

Møte i Samarbeidsutvalet skuleåret 2014/15

Møte: 16/10-14

Stad: Luster Ungdomskule

Møteleiar: Sindre Rørvik

Tilstades: Odd Bukve, Svein Ove Slinde, Sindre Rørvik, Caroline Fagerheim, Tanja Fiskaa Haugen, Hedda Njøs, Ida Falkgjerdet Svåi, Tore Sviggum og Tone Thomassen.

Møtet vert innleia av rektor Odd Bukve som går gjennom «Organ for brukarmedvirkning i grunnskolen», sjå vedlegg 1 til referat.

Sak 08/14 Konstituering av SU

Leiar: Sindre Rørvik

Nestleiar: Caroline Fagerheim

Sekretær: Tone K Thomassen

Sak 09/14 Val av skulens miljøutval

2 repr. for elevane: Hedda Njøs og Ida Falkgjerdet Svåi

2 repr. for foreldra: Tanja Fiskaa Haugen og Tone K Thomassen

1 repr. for kommunen: Svein Ove Slinde

1 repr. for skuleleiinga: Odd Bukve

1 repr. for dei tilsette: Caroline Fagerheim

Sak 10/14 Ordensreglementet

Ordensreglementet, sjå vedlegg 2 til referat, vert gjennomgått og det vert åpna for innspel.

Punkt A, ingen merknad.

Punkt B, ingen merknad.

Punkt C, ingen merknad.

Punkt D, ingen merknad

Punkt E, ingen merknad.

Punkt F, fusk får i dag konsekvensar i ordenskarakteren, det vert diskutert om oppdaga fusk også skal få konsekvensar for standpunktarakter i faget. Dette må i så fall konkretiserast og komme inn i ordensreglementet og elevane må informerast om dette. Ingen vedtak om dette på møtet.

Punkt G, TILFØYE NY SETNING: På heildagsprøvar er det lov å ta med ei pakke kjeks.

Punkt H, luer/caps går under omgrepet ytterklede, det vert difor ikkje gjort endringar i reglementteksten. Elevrådet viser til at det ofte på vinteren er kaldt i klasseromma og her bør læraren bruke skjønn.

Punkt I, NYTT PUNKT, Sykling på skuleområdet i friminutta er ikkje lov.

Punkt J, NYTT PUNKT, Av tryggleikssyn er det ikkje lov for elevar å ferdast på taket i skuletida.

Punkt K, ingen merknad

Punkt L, kjeldesortering er ein utfordring på skulen, både elevrådet og lærarpersonalet er einige i at det ofte handlar om tid og planleggjing. Lærarane tar med dette tilbake til kollegaene og freistar finne gode løysingar/rutinar for å betre kjeldesorteringa blant elevane. SU følgjer opp saka på neste møte.

Punkt M: ingen merknad.

Punkt N: ingen merknad.

SU si tilråding: to nye punkt i ordensreglementet, sjå punkt I og J. SU følgjer opp punkt L på neste møte.

Sak 11/14 Disponering av gåve frå Luster Sparebank, kr 100000 kr

Lærargruppa hadde hatt gruppearbeid om forslag til tiltak, det vart foreslått ballbinge, lyd/videoanlegg og musikkinstrument.

Elevrådet foreslo ballbinge, hinderløype, trampoline, filmanlegg, stolar/bord, kantinedrift.

FAU hadde ingen konkrete forslag i referatet, men forslag som fremjer fysisk aktivitet, utvikle valfaget «teknologi i praksis» med nødvendig datautstyr vart nemnt. FAU ynskte å høyra elevar/lærarar sine ynskjer.

SU si tilråding: Det er einighet i SU om å følgje Luster Sparebank sin tanke med gåve, at den skal vera varig. Det vert ikkje gjort noko endeleg vedtak i saka, men SU har komme fram til ei liste over sine prioriteringar.

Prioritet 1) Uteapparat, hinderløype

Prioritet 2) Trampoline

Prioritet 3) Lyd&bildeanlegg til aulaen

Prioritet 4) Ballbinge

Undervisningsrepresentantane i SU utarbeidar eit prisoverslag på dei ulike forslaga og tar med på neste møte.

Sak 12/14 Ymse

-Inspektør Tore Sviggum informerer om endringar i timeplan/tidsbruk for elevane og lærarane.

Skuleveka vart ved eit tidspunkt utvida med 0,5 time pga nye valfag. Dette vart først kompensert med at ein utvida siste økta kvar skuledag med 5 minuttar. Så vart ordninga forsøkt endra til at ein heller tok av avspaseringa som elevane opparbeider seg ila eit skuleår. Lærarkollegiet ynskjer no å endre tilbake til ordning 1, med å utvide siste økta kvar skuledag.

Eit anna forslag var å ta tid frå aktivitetsfriminuttet til elevane for å kompensere.

Saka vart tatt opp i elevrådet og dei ynskte å forlenga skuledagen til 14.55 og ikkje korte ned på aktivitetsfriminuttet. Elevrådet sitt ynskje vart vedteke.

Dette vedtaket vert gjeldande frå fk måndag 20.10.14, då vert skuledagen frå 09.00 til 14.55.

-Rektor Odd Bukve informerer om situasjonen rundt utbetring av språklab, der det viser seg at ein kan nytte seg av eksisterande datamaskiner i klasseromma for å få tilfredstillande språklab. Rektor henvender seg til kommunen sin representant med ynskje om 1 år framskunding av bygging av musikkrom.

-Kommunen sin representant Svein Ove Slinde etterlyser aksjonsplanen iht Olweus/mobbing i skulen. Dette var ei sak før sommaren, rektor kjem tilbake med denne saka på neste SU-møte.

Skulemiljøutvalet

Sak 02/14 Konstituering

Leiar: Svein Ove Slinde

Nestleiar: Tanja Fiskaa Haugen

Sekretær: Tone K Thomassen

